



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Fasciculus Exercitiorum Et
Considerationum, De Præcipuis Veritatibus Christianæ Fidei Et Sapientiæ -
Ad efformationem Christianæ vitæ, consecutionem salutis æternæ
collectus: & usui accommodatus

Druzbicki, Kaspar

Ingolstadii, 1732

VD18 90066332

Exerc. 3. De Cœlestis Beatitudinis Desiderio.

urn:nbn:de:hbz:466:1-45396

EXERCITIUM III.

De Cælestis Beatitudinis Desiderio.

1. **S**Tatue te in cælo præsentem, & intra in illum locum tabernaculi admirabilis: usque ad Domum Dei: in voce exultationis, & confessionis, sonus epulantis.

2. Revoca in memoriam cælestis Beatitudinis magnitudinem, ejusdemque Amorem, ac pretium inæstimabile in animo exfuscita, atque in desiderium ejus, omni magno majus, omni ardente ardentius inardesce.

3. Quid enim prodest amare, aut æstimare cælestem Beatitudinem, si non audeas, si non consuecas eandem desiderare, & ardentem quidem, atque adeo ardentissimè desiderare? Sic ergo ametur beatitudo, ut etiam desideretur, sic æstimetur, ut simul etiam concupiscatur.

4. Desideranda ergo est cælestis Beatitudo.

1. Quia ideo præparata est: ideo magna nimis præparata, proposita, promissa est, ut ametur, & amando desideretur. Sicut enim scienti bonum & non facienti, sic amanti bonum, & non concupiscenti illud, peccatum est illi.

2. Desideranda est Beatitudo cælestis: quia pro magnitudine desiderii datur: ut ergo multum accipias, multum, & valde desidera.

3. Desideranda est: quia desiderando ad eamitur: non movetur Anima pedibus, sed affectibus: gressus ejus, desideria ejus. Valde ergo, & assiduo desidera, ut magnis passibus pervenias, & apprehendas. *Sic currite (monet Paulus) ut comprehendatis.*

1. *Corinth.*
9. 24.

4. De-

4. Desideranda est: quia desiderium ejus, est stimulus ad conquisitionem ejus. Non habebis illam, nisi sedulo conquisiveris, nisi infatigabiliter laboraveris: non laborabis, nisi te desideria indefessa stimularint: si ergo desideras habere, desidera & laborare. Nam ad magna præmia, non pervenitur; nisi per magnos labores: qui tamen præmiis comparati, parvi, & pauci, & leves sunt semper: illi crede qui de se testatur; Videte quia *modicum laboravi, & inveni mihi multam requiem.* *Eccl. 51. 35.*

5. Desideranda est: quia ideo ostenditur & promittitur, & laudatur, ut quam cupidissimè desideretur: tanquam si pretium ejus, sit quàm maximum desiderium ejus.

6. Desideranda est: quia ideo differtur, ut eam habiturus, desiderando capacior reddatur. Angustum est vasculum cordis nostri: Beatitudo autem non habet magnitudinis modum: dilatare itaque desideriiis tuis, semper, semperque majoribus, vastioribus, ardentioribus: ut habeas unde capias: quanquam non tu capies illam, sed illa magis capiet te: dicente Domino: *serve bone, & fidelis, intra in gaudium Domini tui.* *Sicut piscis desiderat aquam: sed non ipse capit illam, verùm illa comprehendit ipsum.* *Matth. 25. 21.*

7. Desideranda est: quia dum illa desideratur, omnia desiderabilia, & desideranda simul desiderantur. Deus, & omnia bona ejus: Christus, & omnis gloria ejus: Sanctorum cohabitatio, & omnis felicitas ejus. Hæc desiderantur, dum cælestis beatitudo desideratur, prout etiam hæc habentur, dum illa habetur: desideran-

Druck
Sicki
: 480
n II
V
7

derantur autem hæc, non solum nobis, sed simul Deo, Christo, & omnibus Sanctis.

8. Desideranda est cælestis beatitudo: quia sicut non desiderare illam, argumentum est miserimè affectæ Animæ, terrenisque, & carnalibus immerse, ac propterea Deo ingratiſſimæ, atque ad beatitudinem prorsus ineptæ: ita è contrario, ardentissimè beatitudinem desiderare, indubitatum indicium est, Animæ à Carne, & sensibus, sensibilibusque separata, ac ideo tum Deo quàm gratissimæ, tum Dei, ejusque bonorum quàm capacissimæ, & perquam dignissimæ.

9. Desideranda est: quia illam infiniti & ignorant, & contemnunt, & desiderare atque procurare negligunt: non absque summæ ingratiſſimæ reatu in Deum, & in Christum ejus: cum summâ atque extremâ, irremediabilique animarum suarum pernicie. Ut ergo confundantur, tanti boni ignorantes, contemptores, neglectores; ut eorum ruinæ impleantur; ut gustus Dei, atque Christi ejus contentetur; atque nuptiæ ejus, & domus ejus plenitudine convivarum expleatur; nos oportet festinare, nos desiderare, ad illam requiem, ad illam domum, ad illam cænam, ad illas nuptias. Currite ergo, currite fratres: non enim soli Angeli, sed & ipse Angelorum nos Creator expectat. Nuptiæ paratæ sunt, sed nondum plena domus, adhuc expectantur, per quas nuptiæ impleantur. Denique, nuptiæ quidem paratæ sunt, sed qui invitati erant non fuerunt digni, ite ergo ad exitus viarum.

10. Desideranda est, cælestis beatitudo: quis enim peregrinus non festinat ad Patriam? quis exul

exul ad regionem suam? quis navigans ad portum? quis operarius ad mercedem? quis miles ad stipendia? quis captivus ad libertatem? Quæ sponsa non suspirat ad Sponsum suum? & sola Anima, non desiderabit Deum suum?

II. Desideranda est: quia cùm hîc, sit locus, & terra exilii, terra doloris, terra ægritudinis, terra periculorum, insidiarum, ærumnarumque: terra sterilitatis & famis: terra duræ servitutis, & perpetui discriminis, terra laqueorum & mortis: quis non desideret ad terram viventium, ad terram lætantium, ad terram triumphantium, ad terram regnantium, ad terram beatorum, & securè quidem, atque æternaliter beatorum: neque enim aliter beatorum.

P R A X I S.

DELIS meus, vita mea, beatitudo, dulcedo, laus mea sancta, amabilis, & æterna. Quemadmodum desiderat cervus ad vitæ fontes aquarum, sic Anima mea tota sitit ad te Deum, fontem vivum, fontem verum, fontem indeficientem. O æterna Veritas, & vera Charitas, & chara æternitas. Tu es DELIS meus, & omne bonum meum, & una, atque plena beatitudo mea: Ecce tibi suspiro, omni, & totâ die, ac nocte. Deus meus, & Decus meum, & Dulcedo mea, magis autem tua. Ecce audivi vocem tuam post me, ut venirem: & vix audivi propter tumultus peccatorum meorum. Et ecce jam venio æstuans, & anhelans ad fontem. O Cælum Cæli! ô pulchra, ô luminosa domus! dilexi decorem tuum, & locum habitationis gloriæ Domini mei. Tibi suspirat peregrinatio mea, & dico ei, qui fecit te, & me ad te, ut possideat & me in te, quia fecit & me propter te.

Tunc

Tunc in pace in idipsum dormiam; & requiescam, quando absorbebitur mors in vitâ, pugna in victoriâ, miseria in beatitudine, momentum in eternitate. Et tu ô Domine Deus meus, decus meum, desiderium desiderii mei: quando erit mihi gaudium, quod non datur impiis & ingratis, sed eis qui te gratis colunt, quorum gaudium tu ipse es? O in pace: ô in idipsum obdormiam, & requiescam! Ipsa est Beata Vita: gaudere ad te, de te, propter te, ipsa est, & non altera. Tu me trabe: & curram post te in odorem unguentorum tuorum: & cantabo tibi amatoria, gemens inenarrabiles gemitus in hac peregrinatione meâ, & recordans Jerusalem, extento in eam Sursum Corde, Hierusalem, illam patriam meam, Teque super eam regnatorem, illustratorem, Patrem, Sponsum, tutorem, castas & fortes delicias, & solidum gaudium: & omnia bona ineffabilia, simul omnia, & unum omnia, quia unum, & summum, & verum, & æternum bonum omnia. Obsecro te per Matrem Charitatem, obsecro te, dic mihi: quando veniam ad Te? quando effundam super me Animam meam, in vocem exultationis, & confessionis, soni festivitatem beatam celebrantis? quando erit mihi illud Mane, in quo astabo, & videbo, & fruam te, & semper confitebor tibi? Da mihi te Deus meus: redde te mihi celsitudo humilitatis meæ, & requies laboris mei. En amo, en desidero, en ardesco: & si parum, imò, quia valde parum est, amem validius, & desiderem ardentius. Non possum metiri, ut sciam, quantum desit mihi, & amoris, & ardoris, ad id quod satis est, ut currat vita mea in amplexibus, atque ut confidam in te, purgatus, & eliquatus igne Amoris tui. O! tunc stabo, & solidabor in te, in formâ meâ, Veritate suâ. Nunc autem scio, & confiteor, quia male mihi est sine te,

*te, non
omnis
est.
fruem
strum
donec
ire!
accen
ferar
ascen
Latat
Domi*

De C

*1. S
ad Don
sonus
2. A
rum I
merce
merito
Dei, I
dit no
duxit,
que fi
cet ea
meriti
resque
& ipfa
prami
V. P*

te, non solum ex me, sed etiam in ipso me; quoniam
 omnis copia, quæ tu Deus meus non es, egestas mihi
 est. Deus meus, vera magnitudo mea; quando te
 fruemur, requies nostra, locus noster, centrum no-
 strum? Fecisti nos ad te, & inquietum est cor nostrum,
 donec requiescat in te. O amare! o ire! o sibi per-
 ire! o ad Deum pervenire! Accende me Deus meus:
 accende me dono igniti amoris, & desiderii tui, ut
 ferar sursum, ut inardescam, & vadam: ascendam
 ascensiones in corde, & cantem canticum graduum.
 Letatus sum in his, quæ dicta sunt mihi, in domum
 Domini ibimus.

EXERCITIUM IV.

*De Cælestis Beatitudinis per laborem acqui-
 sitione.*

1. **S**Tatue te in Cælo præsentem: & intra in il-
 lum locum tabernaculi admirabilis: usque
 ad Domum Dei, in voce exultationis, & confessionis, *Ps. 41. 5.*
 sonus epulantis.

2. Adverte, cælestem Beatitudinem esse, & pu-
 rum Dei erga nos Donum: & simul tamen esse
 mercedem laborum nostrorum atque præmium
 meritorum. Est Donum, & gratia pura erga nos
 Dei, partim quia ex purissimâ suâ gratiâ condi-
 dit nos, atque direxit, elegit quoque atque de-
 duxit, ad illam tanquam ad summum, ultimum-
 que finem & bonum nostrum: partim quia li-
 cet eam apud Deum emereamur, laboribus,
 meritisque nostris, ipsa tamen illa merita, labo-
 resque, & per auxilia Gratia Dei fiunt à nobis,
 & ipsa etiam sunt pura Dei dona: ita ut DEUS
 præmio afficiens merita nostra, coronet in no-
 bis

V.P. Druzb. Op. V.

D d

bis